

## 7. VEKTORSKA ANALIZA

### PREGLED TEORIJE

7.1. Ako je u oblasti  $V$  definisana funkcija

$$U = U(T) = U(x, y, z) \quad (T(x, y, z) \in V), \quad (1)$$

tada kažemo da je zadano skalarno polje. Uz određene pretpostavke o funkciji (1) relacija

$$U(x, y, z) = C \quad (2)$$

predstavlja neku površ. Ta površ zove se ekviskalarna površ ili nivo-površ skalarnog polja (1).

7.2. Ako je  $T_0(x_0, y_0, z_0)$  zadana unutrašnja tačka iz  $V$ , a

$$\vec{e} = \cos \alpha \vec{i} + \cos \beta \vec{j} + \cos \gamma \vec{k} \quad (3)$$

zadan jedinični vektor, tada je relacijom

$$f(t) = U(x_0 + t \cos \alpha, y_0 + t \cos \beta, z_0 + t \cos \gamma) \quad (4)$$

definisana funkcija  $f(t)$  u nekoj okolini tačke  $t=0$ . Ukoliko je funkcija (1) diferencijabilna u tački  $T_0$ , tada funkcija (4) ima izvod

$$\begin{aligned} f'(t)_{t=0} &= U'_x(x_0, y_0, z_0) \cos \alpha + U'_y(x_0, y_0, z_0) \cos \beta + \\ &+ U'_z(x_0, y_0, z_0) \cos \gamma = \text{grad}(U) \cdot \vec{e}. \end{aligned} \quad (5)$$

Pri tome je

$$\text{grad}(U) = U'_x \vec{i} + U'_y \vec{j} + U'_z \vec{k}. \quad (6)$$

Izraz (5) zove se izvod funkcije (1) u tački  $T_0$  u smjeru jediničnog vektora  $\vec{e}$  i označava se sa  $\frac{\partial U}{\partial \vec{e}}$ . Prema tome,

$$\frac{\partial U}{\partial \vec{e}} = \text{grad}(U) \cdot \vec{e}. \quad (7)$$

Izraz (5) mjeri brzinu promjene funkcije (4) u tački  $t=0$ . Dakle, izraz (6) mjeri brzinu promjene funkcije (1) u tački  $T_0$  i to u smjeru vektora  $\vec{e}$ . Odmah se vidi da je ta brzina najveća kad se smjer vektora  $\vec{e}$  podudara sa smjerom vektora (6).

Iz relacije (2) slijedi  $dU=0$ , tj

$$\text{grad}(U) \cdot d\vec{r} = 0$$

odakle se (još jednom) vidi da vektor (6) predstavlja (neobavezno jedinični) vektor normale na ekviskalarnoj površi (2).

### 7.3. Uvođenjem diferencijalnog operatora nabra (Hamilton)

$$\nabla = \frac{\partial}{\partial x} \vec{i} + \frac{\partial}{\partial y} \vec{j} + \frac{\partial}{\partial z} \vec{k} \quad (8)$$

može se za svaku diferencijabilnu funkciju  $U(x, y, z)$  pisati

$$\text{grad}(U) = \nabla U \quad (9)$$

Operator nabra ima sljedeće osobine:

$$\nabla(U+V) = \nabla(U) + \nabla(V)$$

$$\nabla(C \cdot U) = C \cdot \nabla(U) \quad (10)$$

$$\nabla(U \cdot V) = U \cdot \nabla(V) + V \cdot \nabla(U)$$

### 7.4. Ako je u oblasti $V$ definisana vektorska funkcija

$$\vec{F} = \vec{F}(T) = P(x, y, z) \vec{i} + Q(x, y, z) \vec{j} + R(x, y, z) \vec{k}, \quad (11)$$

gdje je  $T(x, y, z) \in V$ , tada se kaže da je zadano vektorsko polje.

Ako je zadano skalarno polje (1), onda uz pretpostavku da je funkcija  $U(x, y, z)$  diferencijabilna imamo vektorsko polje

$$\vec{F} = \text{grad}(U). \quad (12)$$

Vektorsko polje (12) zove se potencijalno polje; skalarno polje (1) je (skalarni) potencijal tog polja.

Primijetimo da je (skalarni) potencijal potencijalnog polja određen samo do aditivne konstante.

7.5. Ako kriva  $\vec{r} = \vec{r}(t)$  ima osobinu da u svakoj svojoj tački dira vektor vektorskog polja (11) pridružen toj tački, tada se ta kriva zove vektorska linija polja (11). U slučaju polja sila vektorske linije polja nazivaju se silnice.

Vektorske linije polja (11) su rješenje sistema diferencijalnih jednačina

$$\frac{dx}{P(x, y, z)} = \frac{dy}{Q(x, y, z)} = \frac{dz}{R(x, y, z)} (= dt). \quad (13)$$

7.6. Uz prirodne pretpostavke o njezegovim komponentama  $P$ ,  $Q$  i  $R$ , diferencijalni operator nabla može se primijeniti i na vektorsko polje (11). Kako je tom operatoru data uloga vektora, može se to učiniti na dva načina: skalarnim i vektorskim množenjem. Tako se dolazi do sljedeća dva diferencijalna operatora prvog reda koji se primjenjuju na vektore. Skalarnim množenjem dobijamo operator divergencije

$$\operatorname{div}(\vec{F}) = \nabla \cdot \vec{F} = \frac{\partial P(x, y, z)}{\partial x} + \frac{\partial Q(x, y, z)}{\partial y} + \frac{\partial R(x, y, z)}{\partial z}. \quad (14)$$

Vektorskim množenjem dobijamo operator rotor (rotacija):

$$\operatorname{rot}(\vec{F}) = \nabla \times \vec{F} = \begin{vmatrix} \vec{i} & \vec{j} & \vec{k} \\ \frac{\partial}{\partial x} & \frac{\partial}{\partial y} & \frac{\partial}{\partial z} \\ P & Q & R \end{vmatrix}. \quad (15)$$

Operator divergencije ima ove osobine:

$$\begin{aligned} \operatorname{div}(\vec{F} + \vec{G}) &= \operatorname{div}(\vec{F}) + \operatorname{div}(\vec{G}) \\ \operatorname{div}(U \cdot \vec{F}) &= U \cdot \operatorname{div}(\vec{F}) + \vec{F} \cdot \operatorname{grad}(U) \\ \operatorname{div}(\vec{F} \times \vec{G}) &= \nabla \cdot (\vec{F} \times \vec{G}) = \vec{G} \cdot (\nabla \times \vec{F}) - \vec{F} \cdot (\nabla \times \vec{G}) \\ &= \vec{G} \cdot \operatorname{rot}(\vec{F}) - \vec{F} \cdot \operatorname{rot}(\vec{G}). \end{aligned} \quad (16)$$

Pomoću operatora divergencije može se prikazati

$$\operatorname{grad}(\vec{F} \cdot \vec{G}) = \vec{F} \times \operatorname{rot} \vec{G} + \vec{G} \times \operatorname{rot} \vec{F} + (\vec{F} \cdot \nabla) \vec{G} + (\vec{G} \cdot \nabla) \vec{F} \quad (17)$$

Za operator rotor imamo:

$$\begin{aligned} \operatorname{rot}(\vec{F} + \vec{G}) &= \operatorname{rot}(\vec{F}) + \operatorname{rot}(\vec{G}) \\ \operatorname{rot}(U \cdot \vec{F}) &= U \cdot \operatorname{rot}(\vec{F}) - \vec{F} \times \operatorname{grad}(U) \\ \operatorname{rot}(\vec{F} \times \vec{G}) &= \nabla \times (\vec{F} \times \vec{G}) = \vec{G} \cdot (\nabla \cdot \vec{F}) - (\vec{G} \cdot \nabla) \vec{F} \\ &\quad - \vec{F} \cdot (\nabla \cdot \vec{G}) + (\vec{F} \cdot \nabla) \vec{G}. \end{aligned} \quad (18)$$

Pri tome je uveden operator

$$(\vec{F} \cdot \nabla) = P \frac{\partial}{\partial x} + Q \frac{\partial}{\partial y} + R \frac{\partial}{\partial z} \quad (19)$$

koji se na vektor

$$\vec{G} = X\vec{i} + Y\vec{j} + Z\vec{k}$$

primjenjuje ovako:

$$\begin{aligned}
 (\vec{F} \cdot \nabla) \vec{G} &= \left( P \cdot \frac{\partial X}{\partial x} + Q \cdot \frac{\partial X}{\partial y} + R \cdot \frac{\partial X}{\partial z} \right) \vec{i} + \\
 &+ \left( P \cdot \frac{\partial Y}{\partial x} + Q \cdot \frac{\partial Y}{\partial y} + R \cdot \frac{\partial Y}{\partial z} \right) \vec{j} + \\
 &+ \left( P \cdot \frac{\partial Z}{\partial x} + Q \cdot \frac{\partial Z}{\partial y} + R \cdot \frac{\partial Z}{\partial z} \right) \vec{k}.
 \end{aligned} \quad (20)$$

7.8. Ako funkcija (1) ima izvode do zaključno drugog reda, tada na vektorsko polje grad( $U$ ) možemo primijeniti svaki od operatora div i rot. Primjenom operatora div dobijamo (Laplasov operator):

$$\begin{aligned}
 \Delta(U) &= \nabla^2(U) = \nabla(\nabla U) = \text{div}(\text{grad}(U)) = \\
 &= \frac{\partial^2 U}{\partial x^2} + \frac{\partial^2 U}{\partial y^2} + \frac{\partial^2 U}{\partial z^2}.
 \end{aligned} \quad (21)$$

Primjenom operatora rot, uz pretpostavku da su mješoviti drugi izvodi funkcije  $U$  međusobno jednaki, dobijamo

$$\text{rot}(\text{grad}(U)) = \vec{0}. \quad (22)$$

Za potencijalno polje  $\vec{F}$ , dakle, vrijedi

$$\text{rot}(\vec{F}) = \vec{0} \quad (23)$$

ukoliko su komponente polja  $\vec{F}$  takve da imaju neprekidne prve parcijalne izvode. Kasnije ćemo vidjeti da zapravo vrijedi i obrnuta tvrdnja.

7.9. Ako komponente vektorskog polja  $\vec{G}$  imaju parcijalne izvode do zaključno drugog reda, tada na vektorsko polje rot( $\vec{G}$ ) možemo primijeniti operator div i operator rot. Primjenom operatora div dobijamo

$$\text{div}(\text{rot} \vec{G}) = 0 \quad (24)$$

ukoliko su odgovarajući drugi mješoviti izvodi komponenta polja  $\vec{G}$  međusobno jednaki, što je sigurno slučaj kad su ti mješoviti izvodi neprekidni.

Za vektorsko polje

$$\vec{F} = \text{rot}(\vec{G}) \quad (25)$$

kaže se da je solenoidalno. Uz određene pretpostavke za solenoidalno polje (25), prema (24), vrijedi

$$\text{div}(\vec{F}) = 0. \quad (26)$$

Za solenoidaino vektorsko polje (25) polje

$$\vec{G} = X(x, y, z) \vec{i} + Y(x, y, z) \vec{j} + Z(x, y, z) \vec{k} \quad (27)$$

zove se vektorski potencijal polja  $\vec{F}$ . Vektorski potencijal solenoidalnog polja nije jednoznačno određen, jer ako (25) vrijedi za  $\vec{G}$ , tada ta relacija vrijedi i za vektorsko polje  $\vec{G} + \text{grad}(U)$ , pri čemu je  $U$  bilo koje skalarno polje koje ima (neprekidne) izvode drugog reda. Za svako vektorsko polje (11) za koje vrijedi (25) i čije komponente imaju neprekidne parcijalne izvode postoji vektorski potencijal (27) za koji je čak  $Z(x, y, z) = 0$ . Preostale dvije komponente polja  $\vec{G}$  su rješenje sistema parcijalnih diferencijalnih jednačina

$$\frac{\partial X}{\partial z} = -P, \quad \frac{\partial Y}{\partial z} = Q, \quad \frac{\partial Y}{\partial x} - \frac{\partial X}{\partial y} = R. \quad (28)$$

321. Pokazati da je  $\vec{a} \cdot d\vec{a} = |\vec{a}| \cdot d(|\vec{a}|)$

za svaku vektorsku funkciju  $\vec{a}$ .

Rješenje.  $\vec{a} \cdot \vec{a} = |\vec{a}| \cdot |\vec{a}| \Rightarrow \vec{a} \cdot d\vec{a} = |\vec{a}| \cdot d(|\vec{a}|)$ .

322. Pokazati da iz jednakosti  $\frac{d^2 \vec{r}}{dt^2} = \vec{r} f(r)$  slijedi  $\vec{r} \times \frac{d\vec{r}}{dt} = \vec{c}$ .

Rješenje. Pomnožimo datu jednakost vektorski sa  $\vec{r}$ . Dobićemo

$$\vec{r} \times \frac{d^2 \vec{r}}{dt^2} = \vec{r} \times \vec{r} f(r) = 0,$$

tj.

$$d\left(\vec{r} \times \frac{d\vec{r}}{dt}\right) = 0$$

dakle,

$$\vec{r} \times \frac{d\vec{r}}{dt} = \vec{c}.$$

323. Odrediti ekviskalarne površi funkcije:

a)  $f(\vec{r}) = |\vec{r}|$ ,      b)  $f(\vec{r}) = x^2 + y^2 - z$ ,      c)  $f(\vec{r}) = x^2 + y^2 - z^2$ ,

d)  $f(\vec{r}) = xy$ .

Rješenje. Ekviskalarne površi su: a) sfere  $|\vec{r}| = c$ , tj.  $x^2 + y^2 + z^2 = c^2$ .

b) Paraboloidi  $x^2 + y^2 - z = c$ , tj.  $z = x^2 + y^2 - c$ .

c) Konusi  $x^2 + y^2 = z^2 + c$ .

d) Cilindri  $y = \frac{c}{x}$ .

Odrediti vektorske linije vektorskog polja  $\vec{a}$ :

324.  $\vec{a} = \frac{\vec{r}}{r^3}$ , ( $r = |\vec{r}|$ ).      325.  $\vec{a} = \vec{c} \times \vec{r}$  ( $\vec{c} = \text{const}$ ).

$$326. \vec{a} = (x^2 - y^2 - z^2) \vec{i} + 2xy\vec{j} + 2xz\vec{k}.$$

$$327. \vec{a} = x(y-z)\vec{i} + y(z-x)\vec{j} + z(x-y)\vec{k}.$$

Rješenja:

324. Diferencijalne jednačine vektorskih linija su

$$\frac{dx}{a_1} = \frac{dy}{a_2} = \frac{dz}{a_3},$$

tj. u ovom slučaju

$$\frac{dx}{x} = \frac{dy}{y} = \frac{dz}{z}.$$

Vektorske linije su, dakle, prave  $y = C_1 x$ ,  $z = C_2 x$ .

325. Diferencijalnu jednačinu vektorskih linija napisaćemo u obliku

$$d\vec{r} = \vec{a} \cdot \lambda,$$

tj.

$$d\vec{r} = (\vec{c} \times \vec{r}) \cdot \lambda. \quad (1)$$

Množeći jednačinu (1) jedanput sa  $\vec{c}$ , a drugi put sa  $\vec{r}$  dobija se

$$\vec{r} \cdot d\vec{r} = 0, \quad (2)$$

$$\vec{c} \cdot d\vec{r} = 0. \quad (3)$$

Iz (2) se dobija  $d(\vec{r}^2) = 0$ , a iz (3)  $d(\vec{c} \cdot \vec{r}) = 0$ . Vektorske linije su, dakle, kružnice  $\vec{r} \cdot \vec{r} = C_1$ ,  $\vec{c} \cdot \vec{r} = C_2$ .

326. Vektorske linije su integralne krive sistema

$$\frac{dx}{x^2 - y^2 - z^2} = \frac{dy}{2xy} = \frac{dz}{2xz}.$$

To su krive:

$$\frac{z}{y} = C_1, \quad \frac{x^2 + y^2 + z^2}{y} = C_2.$$

$$327. x + y + z = C_1, \quad xyz = C_2.$$

328. Odrediti gradient funkcije  $f(x, y, z) = 3x^2 - 3y^2 + z^2 - 2xyz$  u tački  $(1, 1, 0)$ .

Rješenje.  $\text{grad } f = \frac{\partial f}{\partial x} \vec{i} + \frac{\partial f}{\partial y} \vec{j} + \frac{\partial f}{\partial z} \vec{k},$

$$\text{grad } f = (6x - 2yz) \vec{i} + (-6y - 2xz) \vec{j} + (2z - 2xy) \vec{k},$$

$$\text{grad } f(1, 1, 0) = 6 \vec{i} - 6 \vec{j} - 2 \vec{k}.$$

329. Odrediti gradient skalarnog polja  $f(\vec{r}) = x^3 + y^3 + z^3 - 3xyz$  u tački  $(2, 1, 1)$ . U kojim tačkama je  $\text{grad } f(\vec{r}) = 0$ , a u kojima  $\vec{k} \cdot \text{grad } f(\vec{r}) = 0$ ?

Rješenje.

$$\text{grad } f = (3x^2 - 3yz) \vec{i} + (3y^2 - 3xz) \vec{j} + (3z^2 - 3xy) \vec{k}.$$

$$\text{grad } f(2, 1, 1) = 9 \vec{i} - 3 \vec{j} - 3 \vec{k}.$$

$$\text{grad } f = 0 \Leftrightarrow 3x^2 - 3yz = 0, \quad 3y - 3xz = 0, \quad 3z^2 - 3xy = 0.$$

Množenjem prve jednačine sa  $x$ , druge sa  $y$ , treće sa  $z$  i oduzimanjem dobija se

$$\text{grad } f = 0 \Leftrightarrow x^3 = y^3, \quad x^3 = z^3,$$

$$\text{odnosno, grad } f = 0 \text{ duž prave } x = y = z.$$

$$\vec{k} \cdot \text{grad } f = 0 \text{ ako je } 3z^2 - 3xy = 0, \text{ tj. } z = \pm \sqrt{xy}.$$

330. Dato je skalarno polje  $f(\vec{r}) = \ln \frac{1}{r}$ , gdje je

$r = \sqrt{(x-a)^2 + (y-b)^2 + (z-c)^2}$ , a  $A(a, b, c)$  neka fiksna tačka. U kojim tačkama prostora  $Oxyz$  je  $|\text{grad } f| = 1$ ?

Rješenje.  $|\vec{r}| = r = 1.$

331. Dokazati da je

a)  $\text{grad } (u \cdot v) = u \text{ grad } v + v \text{ grad } u$

b)  $\text{grad} \left( \frac{u}{v} \right) = \frac{v \text{ grad } u - u \text{ grad } v}{v^2}$

c)  $\text{grad } f(u) = f'(u) \text{ grad } u.$

332. Odrediti  $\text{grad } f(r)$ .

Rješenje.

$$\text{grad } f(r) = f'(r) \cdot \text{grad } r.$$

Kako je, s jedne strane,  $d\vec{r} = \text{grad } r \cdot d\vec{r}$  a, s druge strane,  $r d\vec{r} = \vec{r} d\vec{r}$ ,

tj.  $d\vec{r} = \frac{\vec{r}}{r} \cdot d\vec{r}$ , to slijedi

$$\text{grad } r = \frac{\vec{r}}{r}.$$



$$\text{Sada je grad } f(r) = f'(r) \cdot \frac{\vec{r}}{r}.$$

Ako su  $\vec{a}$  i  $\vec{b}$  konstantni vektori, a  $\vec{r}$  vektor položaja tačke  $M(x, y, z)$ , ( $\vec{r} = x\vec{i} + y\vec{j} + z\vec{k}$ ), dokazati da je:

$$333. \text{ grad } \frac{(\vec{a} \cdot \vec{r})}{(\vec{b} \cdot \vec{r})} = \frac{\vec{r} \times (\vec{a} \times \vec{b})}{(\vec{b} \cdot \vec{r})^2}, \quad 334. \text{ grad } (\vec{a} \times \vec{r})^2 = 2 [(\vec{a} \times \vec{r}) \times \vec{a}].$$

Rješenja:

$$333. \text{ grad } \frac{(\vec{a} \cdot \vec{r})}{(\vec{b} \cdot \vec{r})} = \frac{(\vec{b} \cdot \vec{r}) \cdot \text{grad } (\vec{a} \cdot \vec{r}) - (\vec{a} \cdot \vec{r}) \text{ grad } (\vec{b} \cdot \vec{r})}{(\vec{b} \cdot \vec{r})^2} =$$

$$= \frac{(\vec{b} \cdot \vec{r}) \cdot \vec{a} - (\vec{a} \cdot \vec{r}) \cdot \vec{b}}{(\vec{b} \cdot \vec{r})^2}$$

jer je  $\text{grad } (\vec{a} \cdot \vec{r}) = \vec{a}$ . Koristeći jednakost za dvostruki vektorski proizvod

$$\vec{A} \times (\vec{B} \times \vec{C}) = \vec{B} \cdot (\vec{C} \cdot \vec{A}) - \vec{C} \cdot (\vec{A} \cdot \vec{B})$$

slijedi data jednakost.

334. Gradient ćemo odrediti pomoću jednakosti

$$df = \text{grad } f \cdot d\vec{r}. \quad (1)$$

Za  $f = (\vec{a} \times \vec{r})^2$  biće

$$df = 2 (\vec{a} \times \vec{r}) \cdot (\vec{a} \times d\vec{r}). \quad (2)$$

Kako za mješoviti proizvod  $\vec{A} \cdot (\vec{B} \times \vec{C})$  važi

$$\vec{A} \cdot (\vec{B} \times \vec{C}) = \vec{B} \cdot (\vec{C} \times \vec{A}) = \vec{C} \cdot (\vec{A} \times \vec{B}),$$

to iz (2) slijedi

$$df = 2 [(\vec{a} \times \vec{r}) \times \vec{a}] \cdot d\vec{r}. \quad (3)$$

Upređivanjem (1) i (3) slijedi data jednakost.

335. Pokazati da je

$$\Delta(u \cdot v) = u \Delta v + v \Delta u + 2(\nabla u) \cdot (\nabla v),$$

pri čemu je

$$\nabla = \vec{i} \frac{\partial}{\partial x} + \vec{j} \frac{\partial}{\partial y} + \vec{k} \frac{\partial}{\partial z},$$

$$\Delta = \nabla^2 = \left( \frac{\partial^2}{\partial x^2} + \frac{\partial^2}{\partial y^2} + \frac{\partial^2}{\partial z^2} \right).$$

336. Pokazati da je  $\Delta \frac{1}{r} = 0$ .

Naći izvod funkcije  $f(x, y, z)$  u pravcu vektora  $\vec{e}$  u tački  $M$ .

337.  $f(x, y, z) = x^2 + yz$ ,  $\vec{e} = (\cos \alpha, \cos \beta, \cos \gamma)$ ,  $M(0, 0, 1)$ .

338.  $f(x, y, z) = x + x^2 y + y^2 z$ ,  $\vec{e} = \vec{i} + 3\vec{j} + 3\vec{k}$ ,  $M(1, 1, 1)$ .

339.  $f(x, y, z) = \frac{x^2}{a^2} + \frac{y^2}{b^2} + \frac{z^2}{c^2}$ ,  $\vec{e} = \vec{r} = x\vec{i} + y\vec{j} + z\vec{k}$ ,  $M(x, y, z)$ .

340.  $f(x, y, z)$ ,  $\vec{e} = \text{grad } f$ ,  $M(x, y, z)$ .

Rješenja:

337. Izvod funkcije  $f$  u pravcu (jediničnog) vektora  $\vec{e}(\cos \alpha, \cos \beta, \cos \gamma)$  je

$$\frac{df}{d\vec{e}} = \text{grad } f \cdot \vec{e} = \frac{\partial f}{\partial x} \cos \alpha + \frac{\partial f}{\partial y} \cos \beta + \frac{\partial f}{\partial z} \cos \gamma.$$

Kako je  $\frac{\partial f}{\partial x} = 2x$ ,  $\frac{\partial f}{\partial y} = z$ ,  $\frac{\partial f}{\partial z} = y$ , to je

$$\frac{df}{d\vec{e}} = 2x \cos \alpha + z \cos \beta + y \cos \gamma.$$

U datoj tački  $M(0, 0, 1)$  je

$$\frac{df(M)}{d\vec{e}} = \cos \beta.$$

338. Kako  $\vec{e}$  nije jedinični vektor, to je

$$\frac{df}{d\vec{e}} = \text{grad } f \cdot \frac{\vec{e}}{|\vec{e}|}.$$

Znači,

$$\frac{df}{d\vec{e}} = (1 + 2xy) \cdot \frac{1}{\sqrt{19}} + (x^2 + 2yz) \cdot \frac{3}{\sqrt{19}} + y^2 \cdot \frac{3}{\sqrt{19}},$$

a datoj tački  $M(1, 1, 1)$

$$\frac{df(\vec{M})}{d\vec{e}} = \frac{15}{\sqrt{19}}$$

339. Kako je grad  $f(\vec{r}) = 2 \left( \frac{x}{a^2} \vec{i} + \frac{y}{b^2} \vec{j} + \frac{z}{c^2} \vec{k} \right)$ ,

to je

$$\begin{aligned} \frac{df(\vec{r})}{d\vec{r}} &= \text{grad } f(\vec{r}) \cdot \frac{\vec{r}}{|\vec{r}|} = 2 \left( \frac{x}{a^2} \vec{i} + \frac{y}{b^2} \vec{j} + \frac{z}{c^2} \vec{k} \right) \cdot \frac{(x\vec{i} + y\vec{j} + z\vec{k})}{|\vec{r}|} = \\ &= 2 \left( \frac{x^2}{a^2} + \frac{y^2}{b^2} + \frac{z^2}{c^2} \right) \frac{1}{|\vec{r}|} = \frac{2f(\vec{r})}{|\vec{r}|}. \end{aligned}$$

340.  $\frac{df(M)}{d(\text{grad } f)} = \text{grad } f(M) \cdot \frac{\text{grad } f(M)}{|\text{grad } f|} = |\text{grad } f(M)|.$

Po definiciji odrediti izvod funkcije:

341.  $f(x, y) = \sqrt{x^2 + y^2}$  u pravcu  $\vec{e} = (\cos \alpha, \cos \beta)$  u tački  $(0, 0)$ .

342.  $f(\vec{r}) = \vec{a} \cdot \vec{r}$  u proizvoljnom pravcu  $\vec{e}$  u tački  $M(x, y, z)$ .

*Rješenja:*

341. Prema definiciji

$$\frac{df}{d\vec{e}} = \lim_{\rho \rightarrow 0} \frac{f(M) - f(O)}{\rho} \quad (\rho = \overline{OM}).$$

to je Kako je  $f(M) = f(\rho \cos \alpha, \rho \cos \beta) = \sqrt{\rho^2}$ ,  $f(O) = 0$ ,

$$\frac{df}{d\vec{e}} = \lim_{\rho \rightarrow 0} \frac{\sqrt{\rho^2}}{\rho} = 1.$$

342.  $\frac{df(\vec{r})}{d\vec{e}} = \lim_{\rho \rightarrow 0} \frac{f(\vec{r} + \rho \vec{e}) - f(\vec{r})}{\rho} =$

$$= \lim_{\rho \rightarrow 0} \frac{\vec{a} \cdot (\vec{r} + \rho \vec{e}) - \vec{a} \cdot \vec{r}}{\rho} =$$

$$= \lim_{\rho \rightarrow 0} \frac{\vec{a} \cdot \rho \vec{e}}{\rho} = \vec{a} \cdot \vec{e}.$$

Dakle, izvod ne zavisi od tačke, nego samo od smjera u kome se traži.

343. Ako je  $f(x, y, z)$  skalarna, a  $\vec{a}(x, y, z)$  vektorska funkcija, onda je  $\operatorname{div}(f \cdot \vec{a}) = f \cdot \operatorname{div} \vec{a} + \vec{a} \cdot \operatorname{grad} f$ . Dokazati.

$$\begin{aligned} \text{Rješenje. } \nabla \cdot (f \cdot \vec{a}) &= \left( \vec{i} \frac{\partial}{\partial x} + \vec{j} \frac{\partial}{\partial y} + \vec{k} \frac{\partial}{\partial z} \right) \cdot (f a_1 \vec{i} + f a_2 \vec{j} + f a_3 \vec{k}) = \\ &= \frac{\partial}{\partial x} (f a_1) + \frac{\partial}{\partial y} (f a_2) + \frac{\partial}{\partial z} (f a_3) = \\ &= \frac{\partial f}{\partial x} \cdot a_1 + \frac{\partial f}{\partial y} \cdot a_2 + \frac{\partial f}{\partial z} \cdot a_3 + f \cdot \left( \frac{\partial a_1}{\partial x} + \frac{\partial a_2}{\partial y} + \frac{\partial a_3}{\partial z} \right) = \\ &= \vec{a} \cdot \operatorname{grad} f + f \cdot \operatorname{div} \vec{a}. \end{aligned}$$

344. Odrediti skalarnu funkciju  $f(r)$  tako da bude  $\operatorname{div}[f(r) \cdot \vec{r}] = 0$ .

Rješenje. Na osnovu zadatka 343. biće

$$\operatorname{div}[f(r) \cdot \vec{r}] = 3f(r) + \vec{r} \cdot \operatorname{grad} f(r) = 3f(r) + f'(r) \cdot r.$$

Iz

$$3f(r) + f'(r) \cdot r = 0$$

dobija se  $f(r) = \frac{C}{r^3}$ .

345. Pokazati da je  $\operatorname{div}(f \operatorname{grad} \varphi) = f \Delta \varphi + \operatorname{grad} f \cdot \operatorname{grad} \varphi$ .

Pokazati da je

$$346. \operatorname{rot}(\vec{a} + \vec{b}) = \operatorname{rot} \vec{a} + \operatorname{rot} \vec{b}.$$

$$347. \operatorname{rot}(f \cdot \vec{a}) = f \operatorname{rot} \vec{a} - \vec{a} \times \operatorname{grad} f.$$

Rješenje. 347.

$$\begin{aligned} \operatorname{rot}(f \vec{a}) &= \begin{vmatrix} \vec{i} & \vec{j} & \vec{k} \\ \frac{\partial}{\partial x} & \frac{\partial}{\partial y} & \frac{\partial}{\partial z} \\ f a_1 & f a_2 & f a_3 \end{vmatrix} = \left[ \frac{\partial (f a_3)}{\partial y} - \frac{\partial (f a_2)}{\partial z} \right] \vec{i} + \\ &+ \left[ \frac{\partial (f a_1)}{\partial z} - \frac{\partial (f a_3)}{\partial x} \right] \vec{j} + \left[ \frac{\partial (f a_2)}{\partial x} - \frac{\partial (f a_1)}{\partial y} \right] \vec{k} = \\ &= f \left( \frac{\partial a_3}{\partial y} - \frac{\partial a_2}{\partial z} \right) \vec{i} + f \left( \frac{\partial a_1}{\partial z} - \frac{\partial a_3}{\partial x} \right) \vec{j} + f \left( \frac{\partial a_2}{\partial x} - \frac{\partial a_1}{\partial y} \right) \vec{k} + \end{aligned}$$

$$\begin{aligned}
 & + \left( a_3 \frac{\partial f}{\partial y} - a_2 \frac{\partial f}{\partial z} \right) \vec{i} + \left( a_1 \frac{\partial f}{\partial z} - a_3 \frac{\partial f}{\partial x} \right) \vec{j} + \left( a_2 \frac{\partial f}{\partial x} - a_1 \frac{\partial f}{\partial y} \right) \vec{k} = \\
 & = f \begin{vmatrix} \vec{i} & \vec{j} & \vec{k} \\ \frac{\partial}{\partial x} & \frac{\partial}{\partial y} & \frac{\partial}{\partial z} \\ a_1 & a_2 & a_3 \end{vmatrix} = \begin{vmatrix} \vec{i} & \vec{j} & \vec{k} \\ a_1 & a_2 & a_3 \\ \frac{\partial f}{\partial x} & \frac{\partial f}{\partial y} & \frac{\partial f}{\partial z} \end{vmatrix},
 \end{aligned}$$

odakle slijedi tvrdnja.

Ovo izvođenje date jednakosti može se sprovesti u kondenzovanom obliku:

$$\begin{aligned}
 \text{rot}(f\vec{a}) &= \nabla \times (f\vec{a}) = \nabla \times (f\vec{a}) + \nabla \times (f\vec{a}) = \\
 &= (\nabla f) \times \vec{a} + f \cdot (\nabla \times \vec{a}) = f \cdot \text{rot } \vec{a} - \vec{a} \times \text{grad } f.
 \end{aligned}$$

Oznaka \* iznad slova označava da se u proizvodu operator  $\nabla$  primjenjuje na naznačenu funkciju. Tako u izrazu  $\nabla \times (f\vec{a})$  operator  $\nabla$  primjenjuje se samo na  $\vec{a}$ ; pri tome se uzima  $f$  kao konstantan činilac, pa se iznosi ispred znaka  $\nabla$ .

Pokazati da je:

$$348. \text{div}(\vec{a} \times \vec{b}) = \vec{b} \cdot \text{rot } \vec{a} - \vec{a} \cdot \text{rot } \vec{b}.$$

$$349. \text{rot}(\vec{a} \times \vec{b}) = (\vec{b} \nabla) \cdot \vec{a} - (\vec{a} \nabla) \cdot \vec{b} - \vec{b} \text{div } \vec{a} + \vec{a} \text{div } \vec{b}.$$

$$350. \text{grad}(\vec{a} \cdot \vec{b}) = \vec{a} \times \text{rot } \vec{b} + \vec{b} \times \text{rot } \vec{a} + (\vec{a} \nabla) \cdot \vec{b} + (\vec{b} \nabla) \cdot \vec{a}.$$

$$351. \text{rot}(\text{grad } f) = \vec{0}.$$

$$352. \text{div}(\text{rot } \vec{a}) = 0.$$

Rješenja:

$$348. \text{div}(\vec{a} \times \vec{b}) = \nabla \cdot (\vec{a} \times \vec{b}) = \nabla \cdot (\vec{a} \times \vec{b}) + \nabla \cdot (\vec{a} \times \vec{b}) = \vec{b} \cdot (\nabla \times \vec{a}) - \vec{a} \cdot (\nabla \times \vec{b}).$$

Pri prelazu na posljednju jednakost iskorišćena je osobina mješovitog proizvoda

$$\vec{A} \cdot (\vec{B} \times \vec{C}) = \vec{B} \cdot (\vec{C} \times \vec{A}) = \vec{C} \cdot (\vec{A} \times \vec{B}).$$

$$349. \text{rot}(\vec{a} \times \vec{b}) = \nabla \times (\vec{a} \times \vec{b}) = \nabla \times (\vec{a} \times \vec{b}) - \nabla \times (\vec{b} \times \vec{a}).$$

Prema pravilu za dvostruki vektorski proizvod

$$\vec{A} \times (\vec{B} \times \vec{C}) = \vec{B} \cdot (\vec{C} \cdot \vec{A}) - \vec{C} \cdot (\vec{A} \cdot \vec{B}) = (\vec{C} \cdot \vec{A}) \cdot \vec{B} - (\vec{A} \cdot \vec{B}) \cdot \vec{C}$$

dobija se

$$\begin{aligned} \text{rot}(\vec{a} \times \vec{b}) &= (\vec{b} \nabla) \vec{a} - \vec{b} \cdot (\nabla \vec{a}) + \vec{a} (\nabla \cdot \vec{b}) - (\vec{a} \nabla) \cdot \vec{b} = \\ &= (\vec{b} \nabla) \vec{a} - (\vec{a} \nabla) \vec{b} + \vec{a} \text{div} \vec{b} - \vec{b} \cdot \text{div} \vec{a}. \end{aligned}$$

Treba napomenuti da je  $(\vec{a} \nabla) = a_1 \frac{\partial}{\partial x} + a_2 \frac{\partial}{\partial y} + a_3 \frac{\partial}{\partial z}$  novi operator

koji se na vektor  $\vec{b}$  primjenjuje ovako:

$$(\vec{a} \nabla) \vec{b} = \left( a_1 \frac{\partial}{\partial x} + a_2 \frac{\partial}{\partial y} + a_3 \frac{\partial}{\partial z} \right) \vec{b} = a_1 \frac{\partial \vec{b}}{\partial x} + a_2 \frac{\partial \vec{b}}{\partial y} + a_3 \frac{\partial \vec{b}}{\partial z}.$$

$$350. \text{ grad}(\vec{a} \cdot \vec{b}) = \nabla(\vec{a} \cdot \vec{b}) = \nabla(\vec{a} \cdot \vec{b}) + \nabla(\vec{a} \cdot \vec{b}).$$

Kako je

$$\vec{B} \cdot (\vec{A} \times \vec{C}) = \vec{A} \times (\vec{B} \times \vec{C}) + (\vec{A} \cdot \vec{B}) \cdot \vec{C}$$

to, stavljajući  $\vec{A} = \vec{a}$ ,  $\vec{B} = \nabla$ ,  $\vec{C} = \vec{b}$  dobija se

$$\nabla(\vec{a} \cdot \vec{b}) = \vec{a} \times (\nabla \times \vec{b}) + (\vec{a} \nabla) \vec{b},$$

i analogno

$$\nabla(\vec{a} \cdot \vec{b}) = \vec{b} \times (\nabla \times \vec{a}) + (\vec{b} \nabla) \cdot \vec{a}.$$

Slijedi

$$\text{grad}(\vec{a} \cdot \vec{b}) = \vec{a} \times \text{rot} \vec{b} + \vec{b} \times \text{rot} \vec{a} + (\vec{a} \nabla) \vec{b} + (\vec{b} \nabla) \vec{a}.$$

$$351. \nabla \times (\nabla f) = \begin{vmatrix} \vec{i} & \vec{j} & \vec{k} \\ \frac{\partial}{\partial x} & \frac{\partial}{\partial y} & \frac{\partial}{\partial z} \\ \frac{\partial f}{\partial x} & \frac{\partial f}{\partial y} & \frac{\partial f}{\partial z} \end{vmatrix} = \vec{0},$$

jer se uzima da su drugi mješoviti izvodi funkcije  $f$  nezavisni od poretka diferenciranja, što je sigurno slučaj ako su ti izvodi neprekidni.

$$352. \nabla(\nabla \times \vec{a}) = (\nabla \times \nabla) \vec{a} = \vec{0}.$$

$$353. \text{ Pokazati da je } \text{rot } f(r) \vec{r} = \vec{0}.$$

*Rješenje.* Rezultat slijedi na osnovu zadataka 332. i 347.

$$354. \text{ Pokazati da je } (\vec{a} \nabla) (\vec{b} \cdot \vec{c}) = \vec{b} [(\vec{a} \nabla) \vec{c}] + \vec{c} [(\vec{a} \nabla) \vec{b}].$$

$$355. \text{ Izračunati } \text{div grad } \frac{1}{r}. \text{ (Rezultat 0).}$$

356. Odrediti konstante  $a, b, c$  tako da vektorsko polje

$$\vec{v} = (x + 2y + az) \vec{i} + (bx - 3y - z) \vec{j} + (4x + cy + 2z) \vec{k} \text{ bude}$$

potencijalno. Naći potencijal dobijenog polja.

*Rješenje.* Konstante  $a, b, c$  određujemo iz uslova  $\text{rot } \vec{v} = \vec{0}$ .

No,

$$\text{rot } \vec{v} = \begin{vmatrix} \vec{i} & \vec{j} & \vec{k} \\ \frac{\partial}{\partial x} & \frac{\partial}{\partial y} & \frac{\partial}{\partial z} \\ x + 2y + az, & bx - 3y - z, & 4x + cy + 2z \end{vmatrix} = (c + 1) \vec{i} + (a - 4) \vec{j} + (b - 2) \vec{k},$$

pa je

$$\text{rot } \vec{v} = \vec{0} \Leftrightarrow c = -1, a = 4, b = 2.$$

Dakle, vektorsko polje

$$\vec{v} = (x + 2y + 4z) \vec{i} + (2x - 3y - z) \vec{j} + (4x - y + 2z) \vec{k}$$

je potencijalno.

Potencijal polja  $\vec{v}$  je ona funkcija  $F(x, y, z)$  za koju je  $\text{grad } F = \vec{v}$ . Otuda funkciju  $F$  određujemo iz uslova

$$\frac{\partial F}{\partial x} = x + 2y + 4z \quad (1)$$

$$\frac{\partial F}{\partial y} = 2x - 3y - z \quad (2)$$

$$\frac{\partial F}{\partial z} = 4x - y + 2z. \quad (3)$$

Iz (1) slijedi

$$F(x, y, z) = \frac{x^2}{2} + 2xy + 4xz + f_1(y, z). \quad (4)$$

Iz (4) se dobija

$$\frac{\partial F}{\partial y} = 2x + \frac{\partial f_1(y, z)}{\partial y}, \quad (5)$$

$$\frac{\partial F}{\partial z} = 4x + \frac{\partial f_1(y, z)}{\partial z}. \quad (6)$$

Upoređujući (2) i (5), odnosno (3) i (6), dobija se

$$\frac{\partial f_1(y, z)}{\partial y} = -3y - z \quad (7)$$

$$\frac{\partial f_1(y, z)}{\partial z} = 2z - y. \quad (8)$$

Na osnovu (7) i (8) dobija se

$$f_1(y, z) = -\frac{3y^2}{2} - zy + z^2 + C \quad (9)$$

i zatim, na osnovu (4),

$$F(x, y, z) = \frac{x^2}{2} - \frac{3y^2}{2} + z^2 - zy + 2yx + 4zx + C.$$

Pokazati da je polje  $\vec{a}$  potencijalno i naći njegov potencijal:

357.  $\vec{a} = 2(3xzy^4 - y)\vec{i} + 2(6x^2zy^3 - x)\vec{j} + 3x^2y^4\vec{k}.$

358.  $\vec{a} = 2x(y^2 + z^2)\vec{i} + 2y(x^2 + z^2)\vec{j} + 2z(x^2 + y^2)\vec{k}.$

Rješenja:

357.  $F(x, y, z) = 3x^2zy^4 - 2xy + C.$

358.  $F(x, y, z) = x^2y^2 + y^2z^2 + z^2x^2 + C.$

Pokazati da je vektorsko polje  $\vec{a}$  solenoidalno i naći njegov vektorski potencijal:

359.  $\vec{a} = y^3\vec{i} + z^3\vec{j} + x^3\vec{k}.$       360.  $\vec{a} = 2x\vec{i} - y\vec{j} - z\vec{k}.$

361.  $\vec{a} = (4z^2x^2 - 6y^2zx)\vec{i} + (2x^2y - 8z^2xy)\vec{j} + (3y^2z^2 - 2x^2yz)\vec{k}.$

362.  $\vec{a} = -2x^2y\vec{i} - 3xz^2\vec{j} + 4xyz\vec{k}.$

363.  $\vec{a} = (2y + 2xyz)\vec{i} + (6xyz - y^2z^2)\vec{j} - 3xz^2\vec{k}.$



Rješenja:

359. Uslov  $\operatorname{div} \vec{a} = 0$  je ispunjen, dakle, polje je solenoidalno. Vektorski potencijal polja  $\vec{a}$  je vektorsko polje  $\vec{b}$  tako da je

$$\vec{a} = \operatorname{rot} \vec{b}. \quad (1)$$

Komponente vektora  $\vec{b} = (P, Q, R)$  određujemo iz sistema jednač na

$$\frac{\partial R}{\partial y} - \frac{\partial Q}{\partial z} = y^3 \quad (2)$$

$$\frac{\partial P}{\partial z} - \frac{\partial R}{\partial x} = z^3 \quad (3)$$

$$\frac{\partial Q}{\partial x} - \frac{\partial P}{\partial y} = x^3 \quad (4)$$

koji je ekvivalentan vektorskoj jednačini (1).

Kako je  $\operatorname{rot} (\operatorname{grad} f) = \vec{0}$  (zadatak 351), to je

$$\operatorname{rot} \vec{b} = \operatorname{rot} \vec{b} + \operatorname{rot} (\operatorname{grad} f) = \operatorname{rot} (\vec{b} + \operatorname{grad} f),$$

pa se može uzeti da je  $R = 0$ , jer se može izabrati funkcija  $f$  tako da je  $\frac{\partial f}{\partial z} = -R$ . Sada jednačine (2), (3) i (4) postaju

$$\frac{\partial Q}{\partial z} = -y^3 \quad (5)$$

$$\frac{\partial P}{\partial z} = z^3 \quad (6)$$

$$\frac{\partial Q}{\partial x} - \frac{\partial P}{\partial y} = x^3. \quad (7)$$

Iz (5) slijedi

$$Q = -y^3 z + \varphi(x, y) \quad (8)$$

a iz (6)

$$P = \frac{z^4}{4} + \psi(x, y). \quad (9)$$

Funkcije  $\varphi$  i  $\psi$  određujemo na osnovu (7), tj. iz

$$\frac{\partial \varphi(x, y)}{\partial x} - \frac{\partial \psi(x, y)}{\partial y} = x^3. \quad (10)$$

Proizvoljnost funkcija  $\varphi$  i  $\psi$  ograničena je jedino uslovom (10), pa možemo uzeti da je (na primjer)

$$\varphi(x, y) = \frac{x^4}{4}, \quad \psi(x, y) = 0.$$

Tada je

$$P = \frac{z^4}{4}, \quad Q = -y^3 z + \frac{x^4}{4},$$

a traženi potencijal je

$$\vec{b} = \frac{z^4}{4} \vec{i} + \left( \frac{x^4}{4} - y^3 z \right) \vec{j}.$$

**360.** Za samostalan rad.

**361.** Rezonovanjem kao u zadatku 359. vektor  $\vec{b} = (P, Q, 0)$ , za koji je  $\text{rot } \vec{b} = \vec{a}$ , određuje se iz sistema jednačina

$$\frac{\partial Q}{\partial z} = 6 y^2 z x - 4 z^2 x^2, \quad \frac{\partial P}{\partial z} = 2 x^2 y - 8 z^2 x y,$$

$$\frac{\partial Q}{\partial x} - \frac{\partial P}{\partial y} = 3 y^2 z^2 - 2 x^2 y z.$$

Dobija se

$$Q = 3 y^2 z^2 x - \frac{4}{3} z^3 x^2 + \varphi(x, y)$$

$$P = 2 x^2 y z - \frac{8}{3} z^3 x y + \psi(x, y).$$

Funkcije  $\varphi$  i  $\psi$  određuju se iz jednačine

$$\frac{\partial \varphi}{\partial x} - \frac{\partial \psi}{\partial y} = 0$$

Može se, na primjer, uzeti da je

$$\varphi(x, y) = 0, \quad \psi(x, y) = 0.$$

Potencijal je

$$\vec{b} = \left( 2 x^2 y z - \frac{8}{3} z^3 x y \right) \vec{i} + \left( 3 y^2 z^2 x - \frac{4}{3} z^3 x^2 \right) \vec{j}.$$

362. Stavljajući  $\vec{b} = (P, Q, 0)$  funkcije  $P$  i  $Q$  određujemo iz uslova

$$\frac{\partial Q}{\partial z} = 2x^2y, \quad \frac{\partial P}{\partial z} = -3xz^2, \quad \frac{\partial Q}{\partial x} - \frac{\partial P}{\partial y} = 4xyz.$$

Dobija se:

$$Q = 2x^2yz + \varphi(x, y), \quad P = -xz^3 + \psi(x, y),$$

pri čemu funkcije  $\varphi$  i  $\psi$  moraju ispunjavati uslov

$$\frac{\partial \varphi(x, y)}{\partial x} - \frac{\partial \psi(x, y)}{\partial y} = 0.$$

Izaberimo, radi jednostavnosti, da je  $\varphi = \psi = 0$ . Dobija se

$$\vec{b} = -xz^3 \vec{i} + 2x^2yz \vec{j}.$$

363. Za samostalan rad.

Odrediti funkciju  $f(x)$  tako da vektorsko polje  $\vec{a}$  bude solenoidalno, a zatim naći vektorski potencijal dobijenog polja:

$$364. \vec{a} = (1+x^2)f(x)\vec{i} + 2xyf(x)\vec{j} - 3z\vec{k}.$$

$$365. \vec{a} = f(x)\vec{i} + \frac{2xy}{1+x^2}f(x)\vec{j} - \frac{3z}{1+x^2}\vec{k}.$$

Rješenja:

364. Funkciju  $f(x)$  određujemo iz uslova  $\text{div } \vec{a} = 0$ , tj. iz jednačine

$$(1+x^2)f'(x) + 4xf(x) - 3 = 0.$$

Izborom konstante  $c$  uzimamo da je

$$f(x) = \frac{x^3 + 3x}{(1+x^2)^2}.$$

Polje

$$\vec{a} = \frac{x^3 + 3x}{1+x^2} \vec{i} + \frac{2xy(x^3 + 3x)}{(1+x^2)^2} \vec{j} - 3z \vec{k}$$

je solenoidalno. Komponente vektorskog potencijala  $\vec{b} = (P, Q, 0)$ , ( $\text{rot } \vec{b} = \vec{a}$ ), određujemo iz jednačina

$$\frac{\partial Q}{\partial z} = \frac{x^3 + 3x}{1+x^2}, \quad \frac{\partial P}{\partial z} = \frac{2xy(x^3 + 3x)}{(1+x^2)^2}.$$

$$\frac{\partial Q}{\partial x} - \frac{\partial P}{\partial y} = -3z.$$

Biće

$$Q = -\frac{(x^3 + 3x)z}{1+x^2} + \varphi(x, y), \quad P = \frac{2xyz(x^3 + 3x)}{(1+x^2)^2} + \psi(x, y),$$

pri čemu funkcije  $\varphi$  i  $\psi$  zadovoljavaju jednačinu

$$\frac{\partial \varphi}{\partial x} - \frac{\partial \psi}{\partial y} = 0.$$

Uzimajući da je  $\varphi = \psi = 0$ , dobija se

$$\vec{b} = \frac{2x^2yz(x^2+3)}{(1+x^2)^2} \vec{i} - \frac{xz(x^2+3)}{1+x^2} \vec{j}.$$

365. Za samostalan rad.

366. Dato je vektorsko polje  $\vec{a} = \frac{f(r)}{r} \vec{r}$ , ( $r = |\vec{r}|$ ).

a) Odrediti vrstu polja.

b) Odrediti funkciju  $f(r)$  tako da polje bude Laplasovo.

c) Za dobijeno Laplasovo polje odrediti skalarni potencijal.

Rješenje. a)  $\text{rot } \vec{a} = \nabla \times \left[ \frac{f(r)}{r} \vec{r} \right] = \vec{0}$ . Polje je potencijalno.

$$\begin{aligned} \text{div } \vec{a} &= \nabla \left[ \frac{f(r)}{r} \cdot \vec{r} \right] = 3 \frac{f(r)}{r} + \vec{r} \cdot \text{grad} \left[ \frac{f(r)}{r} \right] = \\ &= \frac{3f(r)}{r} + \frac{d}{dr} \left[ \frac{f(r)}{r} \right]. \end{aligned}$$

U opštem slučaju, dakle,  $\text{div } \vec{a} \neq 0$ , tj. polje nije solenoidalno, pa ni Laplasovo.

b) Odredićemo funkciju  $f(r)$  tako da bude  $\text{div } \vec{a} = 0$ , tj. da polje bude Laplasovo ( $\text{rot } \vec{a} = \vec{0}$ ,  $\text{div } \vec{a} = 0$ ).

Iz

$$\frac{3f(r)}{r} + r \frac{d}{dr} \left[ \frac{f(r)}{r} \right] = 0$$

slijedi

$$\frac{r}{f(r)} \frac{d}{dr} \left[ \frac{f(r)}{r} \right] = -\frac{3}{r}$$

i zatim

$$\ln \left| \frac{f(r)}{r} \right| = -3 \ln r + \ln |C|$$

Znači,

$$\frac{f(r)}{r} = \frac{C}{r^3}, \quad \text{tj.} \quad f(r) = \frac{C}{r^2}.$$

Polje  $\vec{a} = \frac{C}{r^3} \vec{r}$  je Laplasovo.

c) Potencijal  $F$  polja  $\vec{a} = \frac{C}{r^3} \cdot \vec{r}$  određuje se iz uslova

$$\frac{C}{r^3} \cdot \vec{r} = \text{grad } F.$$

Kako je

$$\text{grad} \left( -\frac{C}{r} + C_1 \right) = \frac{C}{r^3} \cdot \vec{r},$$

to je

$$F = -\frac{C}{r} + C_1.$$

367. Ako je polje  $\vec{a} = (a_1, a_2, a_3)$  Laplasovo, onda su komponente  $a_1, a_2, a_3$  harmonijske funkcije, tj. važi  $\Delta a_i = 0$  ( $i = 1, 2, 3$ ). Dokazati.

368. Ako su komponente  $a_1, a_2, a_3$  polja  $\vec{a} = (a_1, a_2, a_3)$  harmonijske funkcije, tada polje  $\vec{a}$  ne mora biti Laplasovo. Navesti primjer.

Rješenje. Polje  $\vec{a} = \vec{r}$  ima komponente koje su harmonijske funkcije, ali zbog

$$\text{div } \vec{a} = \text{div } \vec{r} = 3 \neq 0$$

to polje ipak nije Laplasovo.